

欽定大清會典事例

欽定大清會典事例卷一百二十八

吏部

處分例

地方緝捕竊盜二

乾隆三十年議准。解送餉鞘。地方官遺委員弁。將所派兵役名數交給委員。至前途營汛州縣。執票挂號。文武衙門添派兵役委員護送。如有疏失。委解官革職。被失地方官。如未接有委解官知會。無防護者。照盜案疏防例議處。如已接准知會。失事地方官革職留任。同知通判同城知府。住俸。道員及不同城知府。罰俸六月。俱限

一年緝拏限內全獲准其查銷逾限一年獲犯不及半或及半而盜首無獲者地方官革任同知通判同城知府降一級調用道員及不同城知府降一級留任未獲賊犯照案緝拏若限內獲賊及半已獲盜首者地方官革職留任之案於獲犯之日起接扣四年開復未獲賊犯照案緝拏如於疏防限內獲賊過半兼獲盜首疏防之地方官及府廳道員俱免其處分○又議准委解官並不知會前途營汎州縣以致餉鞘有失者僉差官降一級限一年緝拏限滿不獲照

所降之級調用。已知會前途者。僉差官免議。如原派兵役脚夫失鞘脫逃。無可質審。將僉差地方官初叅革職留任。一年限內獲犯及半。兼獲盜首。革職留任之案。於獲賊之日起。接扣四年開復。限滿獲不及半者。革任。所差兵役有代替潛回等弊。餉鞘未有疏失。委解官罰俸一年。僉差官罰俸六月。○又議准。委解官失鞘。不由大路。不執票赴營。汎州縣挂號撥兵護送。並分賠銀兩未完。地方官未經獲賊者。該解官革職之案。毋庸查辦外。如由大路執票挂號。所失錢糧

賄完地方官獲賊之日。係京員。令其帶革職之  
案在原衙門行走。係外任。帶革職之案赴原省  
差委。均不准食俸。四年無過開復。○又議准餉  
鞘有失。總督及無總督之巡撫俱罰俸六月。○  
又議准地方遇有竊盜案件。將印票濫給本人  
令其自緝者。降一級調用。給票之後。致令藉票  
滋事。降三級調用。藉票滋事。釀成人命革職。該  
管上司罰俸一年。○又議准直隸口外蒙古藩  
封地方。遼闊人居疏散。並無墩臺營汛。足資防  
守。遇有劫盜案件。免其題參疏防。照命案緝完

之例查議。其承緝接緝各官議處議敘。悉照命  
案例辦理。○又議准。地方遇有發冢開棺見屍  
者。承緝接緝各官。照命案緝兇例查參。僕隱匿  
不報。及見屍捏作見棺。即照殺死人命知情隱  
匿不報例革職。○又議准。發冢止見棺槨之案。  
扣限六箇月查參。將地方官罰俸一年。人犯照  
案緝拏。匿不詳報者。亦罰俸一年。○又議准。鄰  
邑地方官能拏獲發冢開棺見屍案內為首先  
賊者。每名紀錄一次。至拏獲四名以上者。准其  
加一級。○又議准。旗民祖塋木植。如有家奴盜

賣他人偷砍及不肖子孫自行砍賣者不行查  
拏之地方官罰俸一年。○又議准各屬當舖起  
贓該管地方官袒護當商不即將當贓查出移  
解以致審斷遲延許承審官詳明該督撫將袒  
護之地方官題參降三級調用隔省者咨會題  
參亦照此例議處。○又議准各省申報竊案今  
該管上司詳記檔案於歲底彙查量記功過以  
為勸懲統計一年內報竊之案能拏獲過半者  
毋庸記功記過其獲不及半者每五名記過一  
次拏獲及半之外復有多獲者每五名記功一

次。凡記過至四次者。罰俸六月。記功至四次者。紀錄一次。俱以次遞加。如緝獲前官任內竊案。及本任內竊賊滿貫之案。每一案記功一次。俱准其將記過之數抵銷。其未過一年離任及接任之員。一體分別功過。均開單咨部查覈。又議准。採生折割人犯。該地方文武員弁。如能拏獲兇拐正犯。照拏獲鄰境盜首例。分別議敘。若該管上司督緝拏獲道府直隸州。亦照廳員協同緝獲之例議敘。僅該地方官不行查拏。經犯事地方。及別州縣拏獲。指名赴籍關拏者。將專



管之該地方文武官弁兼轄統轄之道府直隸州。照不實力編排保甲例議處。如該犯經過水陸地方。及幽僻處所潛匿。不能拏獲者。將地方文武官弁降一級留任。該管各上司罰俸一年。至此等兇犯潛住境內。或經首報。或別州縣關拏。該地方官並不查拏。或捏稱並無其人。均照諱盜例革職。○又議准。如有光棍結夥輪姦婦女孩童之案。無論首從。脫逃不獲。照道路村莊被劫之例。按限叅處。劫盜輪姦已獲。輪姦之犯。查係獲盜及半。兼獲首盜。未獲餘犯。並未輪姦。

者。仍准免。如州縣官諱匿不報。並該管上司。徇隱不參。均照諱盜例。分別議處。○又奏准。一人強姦幼女幼童。及婦女已成脫逃者。審非夥衆。照竊盜滿貫例。初參。扣限六箇月承緝。限滿不獲。罰俸一年。再限一年緝拏。限滿不獲。罰俸二年。逃犯照案緝拏。○又覆准。圍場總管。有拏獲盜伐木植偷打牲畜人犯。將失察之該管地方官。及該管武弁。三案以內。每案罰俸六月。失察至四案以上者。自第四案起。每案降一級留任。該管道府副將所屬。失察未至降級者。免其

處分。若屬員例應降級者。該管道府副將。罰俸一年。至察哈爾蒙古人等。犯有砍木打牲之事。將該佐領暨捕盜官。亦照地方等官例議處。失察之該總管。照道府等官例議處。該札薩克。罰俸三月。協辦台吉等。各罰俸兩月。無俸者。各罰牲畜二匹。地方官。擊獲鄰境砍木打牲人犯。每一案。紀錄一次。該管地方官。並蒙古本佐領。及捕盜官。自行擊獲砍木打牲人犯者。每二案。紀錄一次。○又覆准州縣官。將鄰封差役及佐雜等官所獲之犯。捏報自行擊獲者。係重犯。奉

旨送部引見之案。將該員革職。知情徇隱之上司。降三級調用。不知情者。降一級留任。如係尋常加級紀錄之案。將本員降二級調用。知情徇隱之上司。降一級調用。不知情者。罰俸一年。○三十年議准。衙門被竊。管轄兵民之地方官。毋論賊數已未滿貫。罰俸一年。其無兵民責任之員。衙署被竊不報者。罰俸六月。已報者免議。○又覆准。地方竊案。經事主報官。州縣官諱匿不報者。每案罰俸六月。不行查揭之府州。罰俸三月。○又奏准。盜案疏防失事地方。係文目典史管

轄將吏目典史查叅如係巡檢管轄止將巡檢查叅以專責成○又覆准湖北武穴鎮係武昌黃州二府兼轄其黃州府屬之黃岡蘄水廣濟蘄州黃梅武昌府屬之武昌大冶興國等八州縣除陸路城鄉竊劫案件仍責成各州縣承緝外其沿江一帶地方統令武穴鎮同知率同沿江各該巡檢加意稽查遇有疏防失察分別查叅將該同知照知州例議處該管之巡檢照典史例議處○又議准交界處所失事呈報到官地方官即關會接界州縣公同踏勘將該地方

官開叅疏防。限滿不獲。該管官照例查叅。連界  
協緝之州縣。罰俸一年。儻連界官因非本官地  
方。不上緊查拏者。降一級留任。○又奏准地方  
遇有丟包賊犯。贓至滿貫。及拒捕殺傷人者。照  
白晝搶奪例。分別扣叅議處。○又奏准州縣失  
事。不同城之知府直隸州。果能實力督緝。將一  
案盜犯於三箇月限內全獲者。紀錄二次。○又  
議准拏獲鄰境大盜窩主者。紀錄二次。拏獲鄰  
境小盜窩主者。紀錄一次。如不實力訪察。被別  
處拏獲。供出曾經潛匿某處境內。將該地方官

罰俸一年。○又議准地方一應連劫之案。該管上司仍照盜案例議處。若地方官能於限內將一案盜夥全獲者。免其議處。不准議敘。能獲過半兼獲盜首者。降二級留任。其內洋連劫。將地方官降二級留任。限內全獲者免議。能獲賊過半兼獲盜首者。罰俸一年。○又奏准捕役為竊州縣印捕官俱降一級調用。知府直隸州知州。罰俸一年。道員罰俸六月。如將捕役為竊盜之案諱飾不報者亦革職。若既經發覺捏稱革役在前。竊盜在後者。降二級調用。為竊為盜月日。

在該管官因公出境之後。事發於未回之前者。免議。○又議准。捕役叅竊分贓等事。月日在該管官因公出境之前。事發在回任一月之後者。照例議處。月日在該管官公出之後。事發於回任之前。及回任未及一月者。俱免議。○又覆准。外省地方。遇有被竊案件。自一百兩至一百二十兩。及已經滿貫者。均勒限六箇月緝拏。限滿不獲。一百兩至一百二十兩之案。將承緝官罰俸六月。再限一年緝拏。限滿不獲。罰俸一年。賊犯照案緝拏。已經滿貫者。將承緝官罰俸一年。



再限一年緝拏。限滿不獲。罰俸二年。賊犯照案緝拏。限內全獲。或拏獲首犯。俱免其叅處。如全獲夥犯。而起意為首之犯未獲者。仍照例查叅議處。如地方官將竊案贓物。勒令事主少報。冀免處分者。該上司查叅。將地方官照不應重私罪律。降三級調用。○又奏准。城內被劫。將承緝州縣印捕官。並同城督捕廳員住俸。限一年緝拏。全獲開復。若限滿不獲。降一級調用。未獲賊犯。照案緝拏。同城府州。初叅住俸。限一年督緝。全獲開復。限滿不獲。降二級留任。賊犯照案緝

拏。同城道員。初參罰俸一年。限一年催緝。限滿不獲。降一級留任。賊犯照案緝拏。不同城府州督捕廳員兼轄道員。罰俸六月。限一年催緝。限滿不獲。罰俸一年。賊犯照案緝拏。又奏准。官署被劫。倉庫監獄有失者。州縣印捕官。並同城督捕廳員。俱革職留任。限一年緝拏。同城府州。降三級留任。道員降一級留任。均限一年催緝。全獲開復。限滿不獲。州縣印捕官。及同城督捕廳員。俱革職。府州道員。照所降之級調用。賊犯交與接任官。照案緝拏。不同城之府州。督捕廳

員初參降一級留任限一年催緝限滿不獲降  
一級調用賊犯交與接任官照案緝拏不同城  
道員初參罰俸一年限一年催緝限滿不獲降  
一級留任賊犯照案緝拏其被劫之本署官即  
照專管官例議處倉庫監獄無失者承緝督緝  
官照城內被劫例參處本署官亦照專管官例  
議處○又議准城外大小文武衙門失事據實  
申報該督撫照限參處疏防該州縣嚴行緝拏  
一年限滿獲盜未全降一級留任再限一年緝  
獲如已全獲准其開復如未全獲但已過半再

降一級留任。餘盜照案緝拏。俟全獲之日。仍予開復。如二年限滿。獲盜尚不及半。降二級調用。其夫事之本衙門官。有管轄兵民之責。亦一體議處。○四十四年議准。誣良為竊。未經致死者。州縣印捕官降一級調用。道府等官降一級留任。按察使罰俸一年。督撫罰俸六月。上司查出揭叅者免議。○又議准。捕役誣竊為盜。及將曾經犯竊之人。指為現在強竊盜犯者。該管官自行訪拏審出。已致死者降一級留任。未致死者免議。○四十七年議准。白晝搶奪。未經傷人。賊

至十兩以上未滿貫者。照竊案滿貫例查議。不  
及十兩者免議。賊至滿貫者。照盜案例查議。○

五十八年

諭吏部具題福建省承緝盜案四叅限滿降調一本已  
照依議籤下矣。州縣官身任地方。遇有盜劫案件。督  
率緝捕。是其專責。至四叅限滿。盜尚未獲。其於初叅  
時懈弛。並未認真查緝。已可概見。若仍送部引見。復  
邀錄用。則州縣等因有此例。心存冀倖。緝捕轉不認  
真。嗣後此等承緝盜案。四叅限滿人員。該部議處具  
題。內閣止須票擬依議。毋庸另票送部引見。雙籤如

有平日居官實能留心民事。熟悉地方情形。該督撫欲仍留本省者。准其專摺具奏。仍送部引見。俟嚴察其才具酌量。以縣丞佐雜等官錄用。總之地方盜案全在州縣等隨案留心。於初二叅限內。及早督緝。方可剋期弋獲。若遷延日久。盜犯必致遠颺。而四叅限滿。仍可送部引見。俾逸錄用。原官轉非慎重緝捕之道。今如此辦理。則州縣自顧考成。遇盜劫一經破案。時即知實力緝捕。不致日久宕延。自干降黜。而平日奮勉者。仍不致廢棄。此朕於懲創之中。仍寓愛惜人才之意。著為令。○又議准已革捕役。如有窩匪滋事。

係養竊賊地保徇隱不首將不實心稽查之  
州縣印捕官降二級調用止於酌酒鬪毆等項  
致生事端者州縣印捕官降一級留任○嘉慶  
六年議定盜犯連劫之案將地方官查叅除無  
級可抵之員仍照例降調今接任官緝拏外其  
有級可抵本身不致離任之員照初叅限內接  
緝官之例按其報劫起數分案叅處限滿不獲  
罰俸一年再限一年緝拏再限不獲罰俸二年  
至內洋連劫之案照初叅限外接緝官之例限  
滿不獲罰俸一年盜犯俱照案緝拏○十年議

定失察私入園場偷打牲畜偷砍木植等案。一  
年之內查條何員任內該督於咨參時將次數  
逐案聲敘明晰。其次數以正月初一  
日起至年底止扣其次年復有  
失察之案即另行起扣毋庸遞年接算。或一年  
而有兩任前任官之案不與後任官併計。若一  
年內前官又復回任仍將其前任之案。在一年  
內者  
與回任後之案前後接算。中間署任官之  
案亦不與併計一年  
內本任至失察四案以上本員及上司照例議  
處。○又

諭本日兵部議敘總兵羅江太等擊獲盜船一案已降



旨照軍功給予加級紀錄矣。外省海疆地方官員。出洋巡哨。擒捕盜匪。與帶兵打仗無異。其被戕者。既照陣亡例賜卹。遇有奮勉出力之員。自應一體優加甄敘。嗣後閩粵等省官員。有在外洋捕盜。著有勞績。特旨交部議敘者。該部覈議時。均著給予軍功加級紀錄。以示獎勵。○十一年奏准。城內失事。及官署被劫之案。犯未弋獲。承緝官無論初參限內。限外離任。接任官均限一年緝拿。限滿不獲。罰俸一年。再限一年緝拿。二限不獲。罰俸二年。盜犯照案緝拿。如接緝官未屆二參。復因事故離任。再接

緝之員限一年緝拏。限滿不獲。罰俸一年。盜犯照案緝拏。○又奏准地方官拏獲鄰境劫掠巨盜。並糾夥行竊。臨時行強。細毆事主。案內首夥各犯。或係行劫數次之首犯。俱准該督撫專摺奏請。送部引。

見如所獲之犯。止係行竊拒捕。並未細毆事主。或係劫掠案內餘盜。並非首盜。以及命案在逃之兇犯。止准照例聲請議敘。○又奏准海洋盜犯多係疊劫傷人。情罪重大之犯。地方官果能留心緝獲。或出洋巡緝拏獲。數在三名以上。罪應斬。

臬新決者。准該督撫奏請送部引。

見。僕所獲實係重犯。罪應凌遲者。即一二名。亦准該督撫奏請送部引。

見。如所獲係絞罪以下。並新臬新決等犯。未及三名。止准照拏獲夥盜例議敘。○十二年。

諭。趙璠係試用知府。分發湖北後。尚未銓補實缺。若遽准送部引見。恐將來試用人員。妄生冀倖。聞便捷之門。於吏治殊有關繫。趙璠著交該督撫。遇缺儘先補用。毋庸送部引見。嗣後試用人員。有似此拏獲劫掠巨盜者。均著照此辦理。○又奏准附近。

陵寢之遵化。薊州。平谷。密雲。灤平。各州縣。如遇風水禁地。樹株被竊私運入境等事。審明該犯籍貫。將該地方官降一級調用。○十三年奏准。凡道員果能留心緝捕。首先拏獲鄰境盜犯。數與丞倅以下等官引。

見之例相符者。給予加一級。其與引。

見之例不符者。仍照拏獲夥盜例。每名紀錄一次。僅所獲之犯。若係督同屬員協拏者。仍毋庸給予議敘。○又奏准。丞倅以下等官。遇有拏獲盜犯。

數與引。

見定例相符者。無論實缺試用。均照例題請引

見。仍俟給咨到部時。查明試用人員。拏獲盜犯。題准

引

見之後。曾否補用實缺。於摺內詳悉聲明。其如何

加息錄用之處。恭候

聖裁。如所獲之犯。數與引

見定例未符者。仍照例分別給予加級紀錄。○十五

年

諭軍機大臣會同刑部議奏。私人圍場偷竊牲隻砍伐

木植人犯罪名一摺。此等人犯潛入圍場。於牲獸木

植私行偷竊。並竊取茸角。不可不嚴行禁止。該犯等  
多係圍場外附近居民及蒙古人等。該管官若查拏  
嚴密。自不致姦民屢干例禁。嗣後拏獲此等人犯。如  
審係附近圍場外居民。將該管廳縣議處。如係蒙古  
將該管札薩克議處。其如何立定處分。著原議軍機  
大臣會同該衙門詳議具奏。欽此。遵

旨議准。圍場附近居民。有犯偷打牲獸盜砍木植罪。應  
擬徒者。將失察之該地方廳州縣官及武弁。俱  
罰俸六月。人犯罪應擬流者。該管官罰俸一年。  
人犯應發烏魯木齊等處種地者。將該管官降

一級留任人犯應發烏魯木齊給兵丁為奴者。將該管官降一級調用。該管道府副將於所屬失察僅止罰俸者。免其處分。若屬員例應降級者。該管上司罰俸一年。其承德府失察所屬境內人犯。仍照州縣例議處。如地方官有能拏獲鄰境偷竊牲木人犯者。仍照向例。每一案。紀錄一次。自行拏獲偷竊牲木人犯者。每二案。紀錄一次。至察哈爾及札薩克旗下蒙古人犯。私入圍場。偷打牲獸。盜砍木植。罪應枷責者。該管佐領捕盜官。罰俸六月。人犯應發河南山東者。該

管官罰俸一年。人犯應發湖廣等省者。該管官降一級留任。人犯應發雲南等省者。該管官降一級調用。其該總管於所屬官至降級者。罰俸一年。附近圍場之札薩克旗下蒙古。有犯偷打牲獸偷砍木植。罪應枷責者。將失察之該管官罰牲畜一七。札薩克罰牲畜一五。人犯應發河南山東者。該管官罰牲畜一九。札薩克罰牲畜一七。人犯應發湖廣等省者。該管官罰牲畜二九。札薩克罰牲畜一九。人犯應發雲南等省者。該管官罰牲畜三九。札薩克罰牲畜二九。其應



罰牲畜。札薩克照例折抵罰俸。無俸者實罰牲畜。存公備賞。○又奏准本籍紳衿並無緝捕之責。其出洋捕盜原為保護桑梓。如有首先擊獲盜犯數在三名以上與地方官引

見之例相符者。准其加一級。三名以下者。每名紀錄一次。○十六年

諭。蘇秀溫承惠奏查辦圍場北柵外店鋪窩鋪一摺。所有北柵外舊有大道旁開設各店。即著照所議分別留存拆挪辦理。其該處租種蒙古地畝民人亦應立定章程。不得在距柵木三十里以內招認開墾。搭蓋

窩鋪以杜透漏圍場鹿隻茸角嗣後距柵木三十里  
以內有開設店鋪及開墾地畝者如何責成查禁其  
查禁不力之該管地方官並召募民人開墾之蒙古  
札薩克章京等作何查參辦理並著直隸總督會同  
熱河都統妥議章程具奏欽此遵

旨議准圍場柵木三十里以內蒙古札薩克王公等此  
後再敢募民人私開地畝並開設店座窩鋪責  
成該地方文武各官隨時查察一面拆毀驅逐  
一面據實申報熱河都統衙門將違禁租給之  
蒙古札薩克王公等職名查開咨送理藩院議

處儻該地方官失於查察別經發覺即將該府州縣各營況各官查叅照管理圍場章京員弁失察偷竊人數之例分別議處一名至五名者罰俸六月五名至十名者罰俸一年十名以上降一級留任二十名以上降一級調用三十名以上降二級調用如有兵役受賄縱放亦不論人數多寡將該管官降一級調用仍令該地方文武各員將查明並無民人開墾地畝開設店鋪之處每月具結呈報熱河都統直隸總督衙門查覈並於每年歲底由熱河都統彙奏一次

○又奏准。拏獲各項盜犯人員。如有捐升。吏部查明品級考。凡係該員應升官階。即於該員原銜內敘入。若非該員應升之階。止照原銜繕寫。並於摺尾及緣頭籤後。將該員並非應升之處聲明。以杜取巧。○又奏定。凡拏獲盜犯人員。該督撫於題奏結案之日起。即行查取職名。本員及接任之員。於奉文後限一月開報。該管上司各限一月轉詳。該督撫統限一年內出咨。如業經開送職名到部。聲敘未能明晰。經部行查者。即以接准部咨之日起。本員及接任之員。並該

管各上司亦各限一月該督撫亦統限一年內  
出咨如出咨在一年以外查係本員開送遲延  
即將獲盜之案無論例應引

見及議敘級紀人員概行註銷不准給予議敘如係  
接任之員及該管上司遲延將遲延之員議以  
降一級留任僅有勒指情事不為開報轉詳者  
即議以降二級調用不准抵銷本員獲盜之案  
仍照例覈辦其拏獲盜犯題准送部引

見人員於奉文後定限三箇月請咨赴部如實有經  
手未完事件應請暫緩給咨者該督撫專案報

部以憑覈辦。○十七年

諭直省驛路安設墩鋪營房原以稽查盜賊乃近日率皆有名無實致令姦宄肆行為害商旅甚至將齋摺員弁中途戕斃廢弛已極著通諭各督撫嚴飭所轄文武員弁於驛站塘汛認真整頓實力巡緝務使宵小屏迹道途肅清以靖盜風而安行旅。○又

諭直省驛路通衢設立塘汛亭墩相望即聞有盜賊伏伺而兵役巡邏聲氣聯絡不難立時擒捕規制最為周密乃近日奉行不力漸就廢弛朕於來往奉使臣工詢問沿途所經據稱營房大半坍塌兵丁駐守巡

查者甚屬寥寥。甚至河南地方。竟有戕殺差弁之案。若不嚴加整飭。則姦宄肆行。尚復成何事體。向來各省塘汛。遠聞之處。州縣官並增設更鋪夫役。往來梭巡。近亦相率裁汰。不以緝捕為事。宵小並無顧忌。著通諭各督撫。嚴飭所轄文武員弁。會同協辦。將境內墩汛塘鋪。查明一律修整。派撥兵役。常川守望稽查。如有疏縱失事者。嚴叅究辦。若督撫諱匿不舉。查出。一律懲處。○又奏准。知府係方面大員。其有拏獲盜犯者。除試用知府拏獲盜犯。與引見之例相符者。仍照例遇缺儘先補用。與引

見之例未符者。仍照拏獲別境首夥盜犯之例。按名數分別議敘。外其現任知府果有首先拏獲盜犯。數與引

見定例相符者。照道員拏獲盜犯之例。准予加一級。所獲盜犯。數與引

見定例未符者。照道員拏獲夥盜例。每名紀錄一次。僮所獲之犯。係知府督同所屬協拏者。仍毋庸給予議敘。○又奏准。海洋盜犯。多係疊劫傷人。情罪重大之犯。地方官果能留心緝捕。拏獲罪應斬梟。斬決盜犯。數在三名以上。並罪應凌遲。



者。即一二名。均准送部引

見。儻所獲罪。應斬梟。斬決未及三名。照拏獲別境盜  
首例。每名加一級。如所獲係絞罪以下。照拏獲  
別境夥盜例。每名紀錄一次。○十九年

諭。定例地方官。遇有盜劫之案。四參限滿。即應降調。難  
任。原以專其責成。若於參限將滿之前。將本任之員  
移調他處。其承緝之案。轉得置身事外。而接任之員  
因無接緝降調之例。亦不認真緝捕。日久因循。盜風  
漸熾。必致姦民無所畏忌。嗣後地方官承緝盜劫等  
案。務責令專司緝捕。不得於四參限滿之前。飾詞遷

調如巧為規避。一經查出。除將本員勒緝。參處外。並

將該上司一併嚴懲不貸。

同治十二年奏定盜劫等案。凡展參例開降調者。均

應照不准遞調之例。裁辦限滿不獲例。應降調。改不准飾詞遞調。至以爾調繫及專指保升之員。係因人地相宜。應照銓選例。裁因公處分。毋庸覈計辦理。

○道光二十六年

奏准。廣東虎門同知所轄番禺東莞二縣。遇

有地方失事。將該同知照兼轄官例參處。○二

十九年奏准。盜案於未滿疏防例限以前。經該

督撫奏請先行交議。或摘去頂戴。先行交議者。

將該地方官照防範不嚴例降一級留任。○又

奏准。城內被劫。城外官署被劫。及尋常盜案。並

疏防至二三案者。於未滿疏防例限以前。經該督撫奏請摘去頂戴。勒限嚴緝。或先行交議。仍勒限嚴緝。或撤任勒限協緝。限滿不獲。從嚴參辦者。俟限滿。嚴參到部。即將該地方官俱議以降一級調用。二三案併參者。每案降一級調用。如奏請嚴加議處。或奉

旨嚴加議處者。於降一級調用例上。加等降二級調用。如並無勒限嚴緝及限滿不獲。從嚴參辦字樣者。疏防限滿。各照本例按限參處。○又奏准一夜連劫之案。及疏防二三案併參者。於未經

限滿之前。經該督撫奏請摘去頂戴。勒限嚴緝。或先行交議。仍勒限嚴緝。或撤任勒限協緝。限滿不獲。從嚴參辦者。俟限滿嚴參到部。將該地方官議以降二級調用。如奏請嚴加議處。或奉旨嚴加議處者。於降二級調用例上。加等降三級調用。如並無勒限嚴緝及限滿不獲從嚴參辦字樣者。限滿開參到部。照各本例案限議處。二三案併參之案。分案議處。○又奏准。銜署被劫倉庫監獄有失之案。於未經疏防限滿以前。經該督撫奏請先行交議。仍勒限嚴緝者。先照本例

議以革職留任。限滿不獲革職。○又奏准實缺人員。如任內有承緝盜案。尚在三參未滿以前者。准其酌量委署。仍俟回任之日。前後接算。例限按限開參。如三參期滿。四參業已起限。概不准委署他缺。凡委署之員。令該督撫聲明有無已起四參盜案。隨時具奏。不得俟按季報部。○三十年奏准。城內城外尋常盜案。先經該督撫奏請摘去頂戴勒限嚴緝。或先行交議。仍勒限嚴緝。或撤任勒限協緝。如未經限滿之先。獲犯過半。僅止盜首未獲者。將原參摘頂撤任之案。

查銷。仍照盜案二參例降一級留任。再限一年緝拏。限滿不獲。再降一級留任。如該地方官於勒限之外。逾限在十日以內獲犯者。應照勒限未獲從嚴參辦。降一級調用例上。減為降一級留任。逾限十日以外拏獲者。仍議以降一級調用。○又奏准尋常盜案。先經該督撫奏請勒限嚴緝。或撤任勒限協緝。如於未經限滿之先。因各項事故離任者。照離任官例罰俸一年上。加等降一級留任。如告請病假離任。即照病假離任官例應降級調用者。即議以降幾級調用。○

又奏准各項盜案。於未經疏防限滿之先。該督撫止將承緝印官奏請摘去頂戴。或先行交議。及勒限嚴緝者。承緝捕官及督緝各官。限滿開參到部。仍照疏防本例議處。如捕官與印官一律嚴參者。即照印官議處。○又奏准尋常盜案。於未滿疏防例限以前。曾經該督撫奏請勒限嚴緝。或撤任勒限協緝。限滿不獲。而該督撫不行嚴參。仍照道路村莊被劫例。題參疏防者。吏部於題參疏防到部。將該地方官照盜案四參限滿不獲例。降一級調用。並將應嚴參而不嚴

叅之督撫。照應奏不奏公罪律議處。○又奏准連劫之案。例內扣限四箇月查叅。印捕官均應降調。如該督撫於印捕官叅限將滿之際。始行勒限兩箇月三箇月。嚴緝奏叅者。似屬從嚴勒限。實乃展寬限期。應將該督撫奏請照徇隱例議處。如尋常盜案疏防限滿。該督撫始行奏請摘頂勒限者。應照僅叅摘頂之例議處。○咸豐二年奏准。雲南永北廳經歷分駐舊衙坪地方。遇有搶劫盜案。應令該經歷立即會同武弁親往勘驗申報。並飛移該管上司協同緝拏。儻賊



盜限滿無獲。將該經歷照土司例開叅議處。○  
六年奏准。近京西山一帶。如有民人偷挖礦土  
者。嚴拏從重治罪。該管巡檢。有隱匿情弊。革職  
提問。知縣同知道員不行詳揭。俱革職。該督等  
不行指叅。降三級調用。○又奏准。偷挖金銀礦  
砂。拒捕殺傷人。及並未拒捕。聚衆至三十人以  
上者。每起。將失察之州縣官。降一級調用。知府  
降一級留任。道員罰俸一年。若未經拒捕。人數  
又未及三十名。每起。將失察之州縣官。降一級  
留任。知府罰俸一年。道員罰俸六月。如失察差

保得規包庇。將州縣官降二級調用。知府降一級調用。道員降一級留任。○又奏准。該管地方民人。有犯竊窩竊。以積匪猾賊論遣者。係本任查拏。或協同拏獲。均免其處分。如別經發覺。將該管官每名罰俸三月。地方官有能拏獲鄰境積匪猾賊。審明罪應發遣者。每一名紀錄一次。○又奏准。民人有於蒙古地內偷挖黃芪者。除有拒捕奪犯情事。將地方官照例議處外。其止失於覺察。如犯該杖枷者。地方官罰俸六月。犯該徒者。地方官罰俸一年。○又奏准。地方官約

束不嚴。以致撫綏人丁。於為民之後。復行為盜。降一級調用。○十年奏准。地方盜案。州縣官於會營詣勘。後限三日內通稟。如延至十日始行具稟者。記大過一次。十五日記大過三次。二十日照應申不申律。罰俸六月。儻係有心諱匿。不報。別經發覺。即照諱盜例議處。其通報通詳。均應以勘驗之日起限。不准於通稟之後。再起通詳之限。若已經獲犯。延至二十日始行通稟。仍照應申不申律。罰俸六月。查條詳報。遲延照事。件遲延例議處。○同治元年奏准。直省督撫於

州縣官拏獲鄰境逃盜應行議敘之案。速即議結。按限題咨。如州縣盜案四叅屆滿。即隨案聲明獲犯月日。應否查抵。吏部據咨詳覈案由。將合例准抵者。聲明請

旨。○又奏准。地方強劫重案。州縣官會同營員緝拏。並令州縣於月終將營汛有無獲案。據實詳報督撫備查。儻州縣營員互相瞻徇情面。於獲案時捏報協獲。均照瞻徇例叅處。如兵丁壯勇。不願聯絡文武員弁。各持意見。應均照偏袒不公降二級調用例。查叅議處。○二年

諭。向例獲盜人員俱係交部分別議敘。即所獲盜犯較多亦止於送部引見。自咸豐五年部議章程。凡獲盜人員有拏獲斬梟斬決一案六名以上。或兩案三案每案均在三名以上者。毋庸分案議敘。俱准該督撫覈實保奏。給予應升官階。免其送部引見。原以四方多故。盜賊橫行。故獎勵不妨稍優。庶緝捕可收實效。乃自此例一開。獲盜請獎之案層見疊出。其認真緝捕者固不乏人。而詐偽日滋。竟或徇親友之請託。以盜犯相贈賄。在予之者以首先獲盜讓人邀功。而自居協獲。仍免處分。在受之者毫無勞績。優獎俸邀似

此實緣為姦。巧於干進。殊於吏治有礙。嗣後獲盜人員。仍著照舊例送部引見。其由督撫指定官階專摺保奏章程。著即停止。以杜倖進。而重名器。○三年奏准。各省地方。如有騎馬賊攔搶之案。雖無持械傷人及賊逾滿貫情事。亦照盜案例題參疏防。將承緝督緝各官。按限議處。○又奏准。各省獲盜人員。如係舉發巨案。拏獲著名大盜。勞績與戰功無異。經該督撫指實案由。聲明獲犯確切詳敘情形。奏請破格獎勵。將首先拏獲之員。准其指定應升官階。免其送部引

見協獲之員。准其加一級。

係專指劫盜屢犯巨案。經盜夥供出姓名。久擊未獲。

員。竭抗拒者。而言尋常獲盜。不得援引。

○四年奏准。拏獲馬賊之

案。如係大夥橫行。攻圍城寨。焚劫鄉村。有抗拒官兵情事。地方官拏獲著名馬賊一名。或斬梟斬決馬賊五名以上者。或兩案三案。每案均在三名以上者。俱照拏獲擒匪之例。准該督撫保奏。指定應升官階。免其送部引。

見拏獲斬梟斬決馬賊三名以上者。仍照例送部引。見其拏獲斬梟斬決馬賊不及三名。每名准其加一級。至各官任內。如有疏防馬賊之案。照例在將

拏獲鄰境之案抵銷。其案數多者亦准其逐案查抵。如抵銷完結後再有獲盜之案即按其所獲名數給予獎勵。凡將功抵過之案總以案情之輕重與獲犯之多寡分別查抵。其拏獲斬梟斬決馬賊三名以上者准抵本任內降調革留之案。拏獲著名馬賊一二名或斬梟斬決馬賊五名以上及十名以上者准抵本任內議革之案。若所獲止係脅從之犯罪不至斬梟斬決者毋庸議獎亦不准抵銷。

此係專指直隸熱河奉天地方馬賊肆擾竄入

別省者而言。此外不得援引。如查與馬賊情形迥異者仍照獲盜例辦理。 ○五年奏



准濟甯州州同移紮湖園地方。專令分司緝捕。該地方編排保甲。稽查盜賊。奉行不力。並遇有劫竊等案。即將該州同照分防地面失事之例查叅。○七年奏准。五城司坊官。拏獲鄰境一案。內斬梟斬決盜犯三名以上之案。准其覈實保舉。或保奏應升官階。或酌予升銜。但不准兩項並保。如任內已有應升官階。及得有升銜。止准於升階上酌加班次。或給予加一級。概不准由升階陞銜上重複再保。未補實缺人員。或酌加班次。或保俟補缺後。以應升之缺升用。亦不准

兩項並保。如任內已有保奏班次。及俟補缺後。以應升之缺。并用之案。止准給予加一級。如拏未及三名。仍照例給予加級紀錄。如有同案出力人員。應由各城會銜保奏。首先獲盜之人。不得過一員。會同獲盜之人。不得過二員。如已有一處保奏在先。即將後次保奏之員。奏請撤銷。仍令各城將是否會銜之處。於保奏摺尾聲明。

○八年奏定。直省各州縣申報竊案。令該管上司詳記冊檔。於歲底彙查。統計該州縣一年內報竊之案。能拏獲及半者。毋庸記功。記過。其獲

不及半者每五案記過一次。拏獲及半之外復

有多獲者每五案記功一次。凡記過至四次者

罰俸六箇月。記功至四次者紀錄一次。俱以次

遞加。不及五案者俱毋庸議。如係緝獲前官任內竊案及

本任內竊賊通貫之案。每一案記功一次。俱准

其以記功之數將記過之數抵銷。其有未及一

年離任之員。無論本任接任均入於功過冊內

咨部查覈。五城練勇局司坊各官緝捕功過均照直省竊案功過覈辦。○无

緒九年奏定閩粵等省在籍紳衿本無巡緝之

責。其出洋捕盜究屬保護地方。如能首先拏獲

盜犯。覈與州縣官引

見之例相符者。每案准其加一級。與例不符者。每名

紀錄一次。

山西省在籍紳士。如能首先  
擊獲盜犯。亦照此例辦理。

欽定大清會典事例卷一百二十九

吏部

處分例 緝捕逃人

緝捕逃人。○順治九年題准州縣官所屬地方。隱匿逃人者。每一名罰俸一月。至十二名罰俸一年。十三名降一級調用。知府所屬州縣內。隱匿逃人。每十名罰俸一月。至一百二十名罰俸一年。一百三十名降一級調用。督撫按巡按各道員查該屬隱匿多寡之數議處。○又題准州縣官查解逃人十二名者紀錄一次。二十四名

者。紀錄二次。三十六名者。俟應升時。加升一級。  
知府所屬州縣內。查解逃人至一百二十名者。  
紀錄一次。二百四十名者。紀錄二次。三百六十  
名者。俟應升時。加升一級。督撫按及各道等官。  
俟考察之日。查其報解多寡之數。議功。○十一  
年題准。凡州縣官所屬地方。隱匿逃人一名者。  
革職。知府所屬州縣官內。有一官失察逃人革  
職者。知府降一級。道員罰俸九月。巡撫罰俸六  
月。○又題准。行提逃人窩主。並質證之人。照地  
方遠近立限。若行催三次不到者。將地方官指

叅○又題准總督所屬地方有一員因逃人革職者。罰俸三月。○又題准凡官員赴任之後。家人窩隱逃人者。本官不知情免議。將窩隱之人斷作窩家。○又題准窩家之父子兄弟有分居者。准地方官保結免其入官。若假稱分居及隱留家產不盡行解送者。該管地方官革職。○三年題准州縣官查解逃人十名之後。若地方窩隱逃人一名者。功過不准相抵。仍革職。知府所屬查解二十名之後。有一員革職者。功過不准相抵。仍降二級調用。道員所屬查解三十名

之後。有一員革職者。罰俸一年。有二員革職者。功過不准相抵。仍降一級留任。有三員革職者。降二級調用。巡撫所屬地方。有一員至四員革職者。罰俸九月。五員者。降一級留任。若查解逃人至一百名者。功過相抵。准復一級。二百名者。准復二級。○又題准。凡總督所屬地方。查解逃人一百名者。紀錄一次。二百名者。准加一級。四百名者。准加二級。照此數多解者。功過相抵。有一官革職者。罰俸六月。至十員者。降一級留任。○又題准。凡州縣官查解逃人十名者。加一級。



二十名者不論俸滿即升。知府所屬查解二十名者加一級。四十名者不論俸滿即升。直隸州照知府例。道員所屬查解三十名者加一級。六十名者不論俸滿即升。巡撫所屬查解五十名者紀錄一次。一百名者加一級。二百名者加二級。如照此數多解者遞准加級。仍准功過相抵。鹽運司所屬掣獲者運司照道員例。分司照知府例。鹽場官照典史例。內外錢局掣獲逃人者內錢局監督之司員照知府例。外錢局總理之布政司照道員例。分官之廳員照知縣例。窯廠

中拏獲者。該管官照知府例。其同知通判吏目  
典史等官。係有捕盜責任者。照各掌印官例議  
故。○又議准。凡旗人民人雇覓逃人作工及賃  
房與住。若有旗人民人作保者。地方官免議。其  
無保人。留住過十日。照例議處。○又題准。凡逃  
人過一關。至二關拏獲。或被首告拏獲者。將不  
行盤獲。誤放過關之官。罰俸六月。○又題准。凡  
行文地方官提逃人。窩家及牽連人犯不到者。  
行催一次。又不到者。地方官革職。○十四年議  
准。官員署任內。如拏獲逃人。失察逃人者。皆各

照所署之職議其功過○又議准口外蒙古逃  
人等解者咨送理藩院歸結富家及地方官照  
例議處○十五年題准凡州縣官查解逃人十  
五名之後有隱匿逃人一名者功過不准相抵  
仍革職知府所屬查解三十名之後有一員革  
職者功過不准相抵仍降二級調用道員所屬  
查解四十五名之後有一員革職者罰俸一年  
有二員革職者功過不准相抵降一級留任有  
三員革職者降二級調用惟直隸山東山西河  
南道員所屬查解四十五名之後有一員革職

者降一級帶罪留任。若查解逃人四十五名。准復原降之級。餘仍照他處道員例。巡撫所屬地方。若有一員至四員革職者。罰俸九月。五員者降一級留任。如查解逃人一百五十名者。准復一級。二百名者。准復二級。照此數多解者。功過相抵。其鹽運司。內外錢局。窯麻及衛所營伍大小各官。隱匿逃人者。俱照新定各官之例。分別議處。○又題准。凡查解逃人之司道。已升京堂。應加一級者。紀錄二次。應不論俸滿即升者。紀錄四次。○又題准。凡州縣吏目。典史等官。查解

逃人十五名者加一級。三十名者不論俸滿即升。知府所屬查解三十名者加一級。六十名者不論俸滿即升。道員所屬查解四十五名者加一級。九十名者不論俸滿即升。巡撫所屬查解七十五名者紀錄一次。一百五十名以上者加一級。足三百名者加二級。多解者照數遞加。其鹽運使分司鹽場官內外錢局布政使主事同知。窯廠地方該管官。通判吏目典史等官。查解逃人者俱照新定各官之例。分別名數議敘。○又題准凡官員升任未離任之先。若有窩隱逃

人事發。仍行議處。若先有獲解逃人之功。仍准議敘。○十六年題准。凡拏解逃人窩犯及牽連人等。直隸。山東。山西。河南。僉差長解。陝西。湖廣。四川。江南。江西。浙江。福建。廣東。廣西。雲南。貴州。遠省地方。將批文限定日期。俱令遞解。經過地方官。嚴加肘鎖。差役押解。如地方官逾限。及有疏失脫逃者。題參革職。○十七年題准。凡勒限拏獲逃人。接任官將不獲情由。豫行申明者。免議。如過限不行申報者。罰俸六月。如申報不獲之後。被旁人仍在先報之處。拏獲者。將接任官

革職○康熙元年題准凡移住別處窩隱逃人者將移住之處兩鄰十家長地方及地方官照例治罪○又題准凡行提逃人等犯逾限一月者題參○又題准凡行文提取逃人等犯與空文行查如各官違兩次定限者降一級調用○二年題准凡巡撫所屬地方查解逃人二百名者紀錄一次四百名者加一級比此數多者照數記冊加級○四年議准凡地方官唆令逃人指攀富室行詐情實者革職交部議罪○又題准凡逃人逃在地方犯殺人等死罪將逃人申

解刑部。如申解三名以下。地方官每一名。差有家產解役四名。嚴加肘鎖申解。如逃人至三名以上。申報該督撫酌量增差護解。如脫逃者。照脫逃強盜例議處。其富家地方官功過。照常例辦理。○五年覆准。凡各省總督。順天府。奉天府。府尹。逃人功過。皆免議。○七年題准。凡各省遞解逃人逾限者。地方官降一級調用。○八年題准。因逃人事件。牽建議處官員。移咨該撫。取地方官口供到日。議結不取確供。初底發覺者。將該撫一併議處。○又題准。同省各府查獲逃人。



將失察之州縣官並該管道府照例叅處○又  
題准凡逃人攀有窩家行文地方官提解具文  
申報無有復行文巡撫詳查仍具文報稱無有  
後若窩家仍在彼處被旁人出首是實者前報  
無有之地方官並巡撫照失察逃人例處分○  
九年議准官員於所屬現任官內有潛逃不行  
申報者罰俸一年○十年題准凡失察逃人題  
叅如係隔省拏獲逃人或被本主及旗下人拏  
獲逃人者將巡撫以下吏目典史以上題叅若  
隔府拏獲逃人係別道員所屬者將道員以下

典史吏目以上題叅。若係一道所屬者。將知府以下。典史吏目以上題叅。若隔州縣等獲逃人者。止將州縣官及典史吏目題叅。○又題准。官員窩帶逃人者革職。○又題准。逃人無一定住處。或雇覓傭工。或賃住店房。未過十日者。其窩家鄰佑等既經免罪。地方官亦免議處。○又題准。凡州縣吏目。典史等官。失察逃人一名者。降二級調用。知府及直隸州知州所屬地方。二年內有一員失察逃人者。罰俸一年。兩員失察逃人者。降一級留任。三員失察逃人者。降二級調

用道員所屬地方。二年內有一員失察逃人者。罰俸九月。有二員者。罰俸一年。三員者。降一級留任。四員者。降二級留任。五員者。降三級調用。巡撫所屬地方。二年內有一員失察逃人者。罰俸六月。有二三四員者。仍罰俸六月。五員以上者。降一級留任。鹽場失察逃人。將運使照道員例。分司照知府例。鹽場官照典史例。在京錢局失察逃人。該管官照知府例。外省錢局失察逃人。布政使照道員例。錢局同知照知縣例。窯廠中失察逃人。將該管官照知府例。五城地方失

察逃人。兵馬司掌印指揮。照知府例。坊官副指

揮。吏目。照知縣例。乾隆三十年改司坊官照知縣例。同知。通判。

有捕盜職任者。各照掌印官例處分。凡官員干

繫逃人事件處分。若有加級紀錄。皆准抵銷。○

又題准。凡地方官於所屬地方。如不設立十家

長。不給木牌稽查逃人者。將地方官降一級留

任。○又題准。凡州縣官申解逃人。每一名。差有

家產正身解役二名押解。如所差正身解役不

行押解。私自轉交別人押解。或將逃人疏脫者。

將僉差不慎之地方官。罰俸一年。○又題准。凡

地方官將實在逃人指稱民人保結釋放之後。或被本主識認。或被旁人出首。若果係逃人。將不行詳察取保之官革職。○又題准凡地方官拿獲逃人。即行解部。如監禁遲滯過一月者。將該地方官革職。如一月內不能查明申解者。豫行申報展限。乾隆三十年增不豫行申報展限。罰俸六月。○又題准凡地方官將未離原籍土著之民作逃人拿解者。降一級留任。○又題准官員因逃人事件。降級留任後。知府知州知縣能拿解逃人。足不論俸滿。即升之數。道員所屬地方。足加二級之數。

巡撫所屬地方。足加一級之數者。俱准復還所降之級。如州縣衛所等官。拏獲逃人。不足加級之數者。不准議敘。各該管上司之功。其鹽運司並管內外錢局窯廠官。五城兵馬司官。亦照此例。○又題准。凡首告逃人。移咨巡撫。不行拏解。別經發覺者。巡撫降一級留任。該管官俱照失察逃人例議處。○又題准。凡逃人無主識認者。地方官功過不議。至如面上刺字。無主識認之逃人。窩家及地方官功過。仍照例查議。○又題准。凡父母帶逃時十五歲以下之子女。如同父

母孥獲解來者。地方官不記功。別行孥獲解來。與孥獲隻身逃走十五歲之子女者。將地方官記功。若被伊主認獲。及旁人出首者。將失察之地方官及窩家仍照例查議。○十一年議准。凡糧船並回空船。有窩隱逃人者。河南山東之押運糧道。罰俸一年。江西浙江湖南湖北江安蘇松等處押運通判。罰俸一年。○十二年題准。凡文武官員獲解逃人記功者。直省知會各該撫奉天府所屬。移會府尹。令巡撫府尹照督捕衙門移文。轉行知照原孥獲地方官議敘。○又題

准凡逃人之主。不准私自差拏逃人。准其在部控告行提。或首告該地方官拏解。若違例私自往拏。地方官及窩家之罪。毋庸議。逃人之主係官。罰俸一月。○又題准逃人之主。私差家人往窩主家取討衣物者。係官。罰俸一月。○又題准凡逃走情實者。准遞逃牌。其在莊屯居住。不曾逃走者。若遞逃牌。其主係官。照違令律議處。○又題准凡逃人之祖父母。父母。或子孫。出首者。不論初次二次。將逃人照自首例。免鞭刺。不算逃走次數。地方官亦不記功。於申解逃人時。取



實係祖父母父母子孫甘結及地方官印結一併申送情虛者將為首之保人枷號一月責四十板其餘每人責四十板地方官降一級調用○又題准職官逃走該管官捏作常人投遞逃牌者罰俸一年遞過逃牌誑供不曾逃走者罰俸六月○又題准凡官員錯寫逃牌投遞者罰俸一年○又議准凡公主等家下賣買人莊屯人在京居住之人並所屬正戶逃走者窩家地方官皆照常例議其口外蒙古之逃人拏解者咨送理藩院歸結地方官功過毋庸議○十三

年題准。不肖官員覓買旗下奴僕帶去。誑充逃人申解邀功者。革職拏問。如外省冊報。或並無逃人捏造空名移送邀功者。亦照此例。○十四年題准。凡逃人被獲後。窩家將其妻子出首者。窩家地方官一併免罪。若窩家不首。地方官不行察解者。仍照定例治罪。○又題准。凡旗下人聘娶之民婦逃者。窩家地方官俱免議。○十五年議准。凡逃人被別處及旁人拏獲之後。窩家雖將逃人之妻子出首。仍照例斷作窩家地方官。照例議處。若未被他處及旁人拏獲之先。窩

家將逃人妻子出首者。富家免罪。地方官仍記  
功。○又議准。凡府州縣衛所官。行文提取逃人  
富主。及富主之妻子家產人口。並干連之人。及  
空文行查百里以內者。往返限十日內解至。如  
不到。又照此定限十日。行催一次。亦照此限內  
解至。二百里以內者。限十五日解至。三百里以  
內者。限二十日解至。四百里以內者。限二十五  
日解至。五百里以內者。限一月內解至。六百里  
以內者。限三十五日解至。七百里以內者。限四  
十日解至。八百里以內者。限四十五日解至。九

百里以內者限五十日解至。千里以內者往返限兩月解至。如不到各照定限行催一次。亦各照限內解至。千里以外百里者往返加四日扣算。如行提逃人窩家並牽連人犯及空文行查違此兩次定限不解不報者罰俸一年。○又議准凡旗下人聘娶民婦逃者窩家地方官照例議處。○又議准投誠官員棄劄脫逃地方官不行申報或申報遲延者州縣官罰俸六月。知府通判等官罰俸三月。○二十一年議准滇黔土司無論逃人逃兵逆屬舊人拏解六十名者准

加一級。多獲者照數遞加。不及加級者。該督撫酌量獎賞。○又議准滇黔土司地方。有失察逃人一名。被別土司拏解。或逃人自行供出者。土司降一級。若知而隱諱者。照隱匿逃人例革職。其拏獲逃人。照例解部發落。○二十四年題准。凡逃人潛住地方。州縣官不行查拏。被旗主認出。及他人已經拏獲。地方官强行攘奪。冒稱伊所拏獲解部者。將州縣等官各降一級調用。○二十五年議准。州縣等官拏解逃人三十名者。加二級。知府及直隸州知州拏解逃人三十名。

者加一級。六十名加二級。道員所屬地方有拏解逃人九十名者加二級。於此數多者各照數遞加。巡撫所屬地方拏解逃人二百名者紀錄一次。四百名者加一級。於此數多者亦照數加級紀錄。其同知、通判、吏目、典史、指揮、鹽運使、分司、管鹽場大使、錢窯廠等官俱照例計數。分別辦理。將功一年一敘。若不至加級之數者又併一年議敘。若仍不足者將前一年之功截去。止留一年之功。於次年接算。不准三年合算。○又議准兵馬司正指揮拏獲逃人三十名。副指揮

吏目拏獲十五名。各加一級。如有特交緝拏之重犯。並逃人。能照數拏獲。准其加級。若止將逃人拏獲。而不能拏獲要犯者。不准加級。若知係逃人。要犯不行嚴拏。而縱容在地方者。事發題叅。照藏匿重犯例革職。○又題准。凡旗人人民人首告逃人。該管官即拏解者。將該管各官免議。如將實在所有之逃人。誑稱無有。不行拏解。或皮剝衙門。查知。或被旁人首告。或被他處拏獲。控告之時。該逃人在脫逃地方。情實。將該巡撫罰俸六月。該管各官。照失察逃人例議處。又行

提逃人之妻。詭稱病故。空文回覆者。革職不行。

詳查轉申之知府。降一級調用。

乾隆二十四年。增道員降一級。

留至逃人在脫逃地方所娶之妻。非係從家帶

逃。若以有為無。空文回覆者。將地方官降一級。

調用。轉報之知府。罰俸一年。

乾隆三十四年。增道員罰俸九月。

○又議准。拏解逃人及窩犯者。地方官嚴加肘

鎖。每一名。差正身有家產解役二名押解。如不

差正身有家產解役。及少差解役。以致疏脫。或

解役同逃人逃走。並不加肘鎖。脫逃者。將該地

方官降一級調用。如逃人一名。差有家產正身



解役二名押解。嚴加肘鎖。中途犯人疏脫。或同  
逃人逃走者。地方官免議。如解逃人無護送之  
牌。或將護牌及部文遺失。中途脫逃。稟知州縣。  
不行追趕。或因解逃文書擦損不收。或行拏之  
部文已到。稱為未到。或逃人雖未脫逃。但違例  
止差解役一名者。罰俸六月。其逃人未經審實。  
在途疏脫者。免議。俟獲日再議。至起解逃人不  
加肘鎖。致令在路途搶奪者。罪在解役。原起解  
官免議。○又議。准逃人不即轉解。以致脫逃者。  
革職。至凡拏獲逃人。著令遞解。仍將批文內限

定日期。若逾限者。將逾限之地方官。罰俸一年。  
○又議准。凡解送逃人。若有中途患病者。原解  
役。即報地方官。驗明。許其暫留。撥人看守。延醫  
調治。報明該管上司。報部存案。俟病愈。即轉解  
前途。如將無病逃人。誑報有病。故為留帶。將實  
在患病逃人。不肯留養。或留養而不發醫調治。  
以致死亡。或病愈後。不即行轉解者。將任其訖  
報。故為留滯。及病愈後。不即行轉解之員。照遞  
解違限例。罰俸一年。不留養患病逃人。以致病  
故之員。照軍流等犯。不留養。以致病故。列按人

數分別處分。○又議准。凡官員將別官拏獲之逃人。詭報係伊拏獲。或將伊衙役拏獲之逃人。詭報同別縣拏獲。或奉部行提之逃人。詭報天奉部文之先。已經拏獲者。皆降二級調用。如將逃人文冊違限不解。報稱齋送者。罰俸一年。或將所獲之逃人。不行解部。私自釋放者。革職。至凡窩逃之家產。解送一半。隱留一半不解者。將地方官。罰俸一年。或將窩家未休之婦。稱係休離回覆者。亦照此例。○又議准。凡糧船有窩隱逃人者。將失察之文職各官。皆罰俸九月。○又

議准官員將應赦逃人誤行刺字者罰俸一月。  
○雍正二年議准州縣拏獲逃人詳報巡撫請咨遞解該巡撫於每年四月內將各州縣拏獲逃人數目覈實造具清冊二本一本彙送刑部查覈一本彙咨吏部備案俟刑部查明咨部照例議敘○又議准嗣後稽查匪類並旗下逃人應令順天府直隸各省督撫並口外熱河波羅和屯等處總管嚴行所屬設立十家長給予木牌一面細加清查如地方不實力奉行一經事發照例題參○七年議定旗下三品以上大員

之家人及王公等之辛者庫

即府屬管領

人等有犯

命盜重罪脫逃者該衙門查拏之時即行知會本主協同緝捕如一年限滿不獲令該衙門即行題參並聲明此案脫逃旗下兇犯協緝之家主係何職銜該部即將協緝不力之家主罰俸一年若係各王公等辛者庫人等將辦理府屬事務官員亦罰俸一年其各該管官員勒貝子公等各罰俸一月未獲逃犯仍令照案協同緝拏○乾隆三年議准逃人逃在地方居住在六月以內者免議六月以外地方官不行查拏鄰

佑富家等不行出首。或被逃人之主控告。或被旁人出首被獲者。將知州。知縣。吏目。典史等官。降一級留任。十家長。地方鄰佑富家。照律責懲。若過一年。地方官仍未拏獲富家鄰佑等。亦不行出首。或被逃人之主控告。行提。或被旁人出首者。每一名將失察之知州。知縣。吏目。典史等官。降二級調用。十家長。地方鄰佑富家。照例治罪。如不知情之富家免議。○又議准地方官明知逃人。不行拏解。而縱容居住者。照藏匿重犯例革職。○四年覆准。理事衙門所轄旗莊地方。

如有屯莊戶口不清及入官人口借名贖身潛匿境內未經察出者將各官照脫漏戶口例議處○八年覆准嗣後近京五百里以內旗民雜處之州縣文武各官如遇失察逃人在一年以內者免議若失察已過一年者降一級留任過二年者降二級調用其明知故縱者仍照定例遵行○自古北口外四旗承德等五廳旗民雜處實與近京州縣無異亦照此例分別寬減○三十年奏准各省逃人該地方官既准有該旗知會不即票差協拏其從前失察雖在半年以內

亦照鄰境不協拏逃犯例罰俸一年。如旗員知會一到。立即添差協同拏解。無論失察年月遠近。均照拏獲賭具例免議。○又奏准。拏解逃人及窩犯者。地方官選差妥役。嚴加肘鎖押解。如少差解役。並不加肘鎖。脫逃者。將該地方官降一級調用。未脫逃者。罰俸六月。如不加肘鎖。縱放路途搶奪者。將原起解官降一級調用。如多差解役。又加肘鎖。脫逃者。仍照僉差不慎例。將地方官按逃人罪名之輕重。分別議處。○又奏准。凡現任休致各官。及有頂戴人員。窩隱逃人。



者。革職及職銜頂戴。仍交刑部治罪。地方官。仍照失察逃人本例議處。○又奏准。凡窩逃之家。產例應入官。如地方官不行查出解送。致有隱留者。照徇庇例。降三級調用。○又奏准。除失察逃人官員外。凡因逃人事件牽連議處官員。移咨該撫。取具地方官口供到日。議結。該巡撫等。若有徇庇不取確供。一併議處。○嘉慶十一年。奏准。逃人被獲之後。如窩家未將其妻子出首者。地方官。仍照失察逃人例議處。若已將逃人妻子出首者。將失察之地方官。按其失察年月。

遠近照鄰境獲犯之例減等議處。至未被拏獲之先。窩家將逃人妻子出首者。窩家免罪。地方官仍免議。○二十年

諭。直年旗彙奏分賞八旗王公大臣官員等為奴人犯。逃逸數目。此項分賞人犯。多係逆匪邪教案內之人。非尋常罪犯可比。該王公大臣官員等。理宜不時嚴行管束服役。毋致縱逸。嗣後凡分賞為奴。關係逆匪。邪教案內人犯。若不守分為匪。即行送部加重治罪。一有逃竄。即行呈報。該旗嚴行緝捕外。於年終彙奏之時。將逃逸人犯原案由開單具奏。此內設有關係

逆匪邪教案內之人。將該失察之王公大臣官員等。交部從重議處。如尋常分賞為奴人犯。若有逃竄失察之王公大臣官員等。仍照舊例查議。○又奏准分賞王公大臣官員為奴之逆犯妻子脫逃。將承緝之該地方官。與協緝之家主。俱勒限一年緝拏。限滿不獲。俱罰俸一年。逃犯照案緝拏。能於限內拏獲者。俱免議。○又奏准凡滿洲蒙古漢軍之家奴。罪該軍流發配者。令該省督撫酌發有駐汛官弁之處。給予官兵為奴。若有疏脫。將該管官。照軍流人犯脫逃例議處。地方官有受

賄縱放者。革職治罪。